

Π ι
2762



ak. 209, II.

II i
2762

Ein Traubbüchlein

für die einfeltigen Pfarherrn inn
der Marck zu Brand-
denburgk.

Zu Ehren

Dem Achtbarn / Hochgelarten / Er-

barn vnd wolweisen Herrn Thomasen

Matthisen / Churfürstlichem Brandenbur-

gischem Rathe / Burgermeister zu Berlin /

etc. in druck verfertigt /

durch

Georgium Buchholzer Probst
zu Berlin.

Anno M.D.LXI.

3



W



Dem Achtbarn Hochgelarten Erbarn
vnd Wolweisen Herrn Thomafen Matthisen Churfürst-
lichen Brandenburgischen Rathe/ vnd Bürger-
meistern zu Berlin etc. meinen groß-
guustigen Herrn. etc.

Gottes Gnade vnd friede durch vnsern
Herrn Ihesum Christum / Gottes
vnd der Keinen Jungkfrauen Ma-
rien Son / Amen.

Achtbarer Hochgelarter Erbarer vnd Wol-
weiser Großgünstiger Herr Bürgermeister /
E. gunsten ist mein demütigs Pater noster
benor. Der heilige Geist sagt durch den mundt
Dauids Psal. 112. Das geschlecht der frommen
wirt gesegnet sein / reichthumb vnd die fülle wirt
in irem hause sein / vnd ire gerechtigkeit blei-
bet ewiglich. Dis hat Gott am Abraham / Isa-
ac / Jacob / Joseph / Job / David / Salomō / gar
reichlich beweiset / wie die heilige schrift bezeu-
get / vnd weil denn solcher seggen Gottes bei de-
nen / so sein wort vnd gemeinen nutz lieben /
noch für vnd für weret / vnd ich auß fleissigen
nachfragen soniel berichts entpfangen / das
gleichwol ewer geschlecht nuhe mehr eine lan-
ge zeit her viel ansehlicher leute gehabt / die im
A 2 Geistlichen

Geistlichen vnd weltlichen regirungen nützlich
en sein gebraucht worden / Kan ich solchs nicht
anders dann vor einen sonderlichen Segen
Gottes achten / damit der allmechtige Gott /
die guthertzigkeit vnd thugenden / damit die
ewren begabt gewesen / wiederumb hat zieren
wollen / Vnd Erstlich ist auß dem vnleugbar
abzunehmen / das ewre vorfaren auch vor alters
fromme vnd guthertzige Leute müssen gewes
sen sein / Das sie alhie zu Berlin vnd an andern
örtern / do sie ire domicilia gehabt / den Kirch
en nicht ein geringes zugewandt haben / wel
chs zu erhaltunge der schulen vnd predigampts
noch heutiges tages angewandt wirt.

Vnd hat sonderlich ewer großvater Chris
tian Matthias / so alhie zu Berlin in gutten an
sehen vnd vermögen / ein Burgermeister gewe
sen / nicht allein in deme seiner voreltern fuß
stapffen gefolget / Sondern auch auff seine Brü
der vnd freunde / so zu studiren duchtigk vnd ge
schickt gewesen / damit sie etwas erfahren vnd
lernen / vnd landen vnd leuten nützlich vorste
hen vnd dienen könten / nicht ein geringes ge
wandt / Vnd ist solch sein anwenden fast wol
vnd rümllich geraten.

Dann erstlich sein Bruder Doctor Simon
Matthias

Matthias seiner geschicklichkeit halben / von der
herschafft mit der Probstei alhie zu Berlin ist
begnadet / dazu man dā zu der zeit / weil es nach
dē Bischoff thumen vnd hohen stifften / der vor
nehmsten prelaturē im lande eine / vnd die Prob
ste der Herschafft Rethen gewesen / nicht gemei
ne / sondern ansehnliche leute gebraucht hat.

Doctor Jacob Matthias ewers grosuater
Vetter / vnd seiner hausfrawen ewer grosmut
ter bruder / so fast des mehrern theils von ewer
grosuater in seinem studio auch ist vnterhaltē /
vnd mit natürlicher vnd anderer geschicklichkeit
seinem Vettern .D. Simonem / wie man es da
für gehalten hat vbertrossen / ist auß begnadun
gē der herschafft / nicht alleine zu der Stendali
schen Probstei befördert / sondern auch zu dem
zuchmeister ampt des Hochwirdigsten in Gott
Durchleuchtigsten vnd Hochgebornen Für
sten vnd Herrn / Herrn Albrechts Cardinals
Churfürstē vnd Erzbischoffs zu Magdeburgē
vnd Meinz / Marggraffens zu Brandenburgē.
zc. Hochlöblicher vnd seeliger gedechtnis beruf
fen / vnd wie derselbige se / chen seinen beruf an
gewandt / ist meniglich / denen der hochlöbliche
vnd vortreffliche Fürst der Cardinal seeliger
bekandt gewesen / wol bewusst / so geben auch
2 3 andere

andere Doctoris Jacobi Matthias sehligen
hendele/ so noch vorhanden/ gute anweisung/
wie gar ein wolgeschickter dächtiger man er
zu weltlicher regierung/dazu man die hiehi-
sche vnd Stendalische Pröbste domals vor an-
dern gebraucht/gewesen.

Von ewers grosuatern fünff Sönen / ist
der elst / so geistlich geworden / er Johan Mat-
thias von naturen gar geruhigt gewesen / vnd
also / in einem guten alter / priuatus gestorben.

Jacob Matthias hette zu hendelen / nach
dem er wol gestudiret gehabt / mögen gebraucht
werden / ist aber in der jugendt von dieser welt
abgeschieden.

Die andern drey aber / als Erasmus / Christia-
an ewer Vater seheliger / vnd Georg Matthias
as / so noch im leben / seind alle zu dem stande / dar-
innen ewer grosuater seheliger gewesen / gerä-
then / vnd seind Erasmus zu Gustraw vnd ew-
er Vater Christian am ersten in der Newen-
stadt / vnd hernachmals in der Altenstadt Bran-
denburg / vnd Georgen Matthias der Jung-
ste vnter den Brüdern alhie zu Berlin Burger-
meister geworden.

Zu Gustraw ist Erasmus sehligiger in seinem
stande des ansehens gewesen / das ehr nicht
alleine /

alleine/als ein Burgermeister die Stadt regie-
ret hat / sondern auch von den Herzogen zu
Meckelnburgk / vnd sonderlich Herzogk Hein-
richen seligen / zu beradschlagungen der hersch-
afft vnd Landschafften fürnehmen sachen zu
vielmale auch gezogen vnd gebraucht worden.

Wie ein redlicher beretter frommer vnd vor-
stendiger man ewer Vater seliger / der auch
gewislich seine andere Brüder mit geschicklig-
keit zu reden / vnd anderen gaben / weit vber-
trossen / gewesen / wie lieb er das wort Jesu
Christi vnd die diener desselbigen gehabt / wie
werd er den gemeinen nutz gehalten / vnd den
seinen gar nicht geachtet / ist offentlich am tage /
vnd zeuget solchs jederman vom jme / dem er
bekandt gewesen.

Was für fleis ewer Vetter der Burgermei-
ster Georg Matthias noch heutiges tages /
in seinem beruffe vnd ampte / alhie anwendet /
vnd wie getreulich er es mit der Kirchen Got-
tes vnd gemeinen nutze meinet / ist menniglich
vnerborgen / wolte Gott es hette sein Sohn
Peter Matthias seliger / welcher in der er-
sten blüenden jugend vnzeitig abstarb / leben sol-
len / Es hette sich gewislich seiner nicht alleine
diese Stadt / sondern auch die herschafft vnd das
ganze

ganze Landt nicht wenig gehabt zu erfreuen/
vnd ist mir vnd andern wissentlich/wie gar be-
kommerlich der vnzeitige todt des wolerfarnē
jungen Menschen / dem hohen tewren manne
seinem Præceptor / Doctore Hieronymo
Schurpff seligen gewesen.

Ir vor ewer Person/ob jr wol von dem teu-
ren gelerten vnd heiligen manne dem Herrn
Philippo Melanthon / ewrem Præceptore/
vnd anderen gelerten Leuten in ewrer jugendt
erzogen / vnd dardurch zu fast hohen stande
vnd ansehen gerathen / auch mit allerley thugē-
den / die der Almechtige / zu seinem lobe / in euch
mehren wolle / seid begabet / so ist doch nicht die
geringste thugendt in euch / das jr ein Vater
vnd Patron aller Gelerten seid / vnd helffet zum
Ministerio vnd Schulen auff das trewlichste /
vnd ich gedencke noch / das vor wenig wochē /
der farnemste gelerteste / Churfürstlicher / vnd
Brandenburgischer Rath / öffentlich sagte
Geliebter her Probst / jr werdet erfahren / das
Gott der Vater Jesu Christi / dem Burgermei-
ster Thomas Mathias gros glücke vnd heil
geben wird / derhalben das er so willig vnd ger-
ne zum Predigamt Schulen vnd Kirchen /
darzu armen gelerten / vnd armen leuten thudt
helffen

helffen/diese thugendt an ime/wird Gott nicht
vnelohnet lassen/das wird gewis geschehen/
wie Christus spricht/ Date & dabitur vobis.

So gehören auch zu ewrem geschlechte
mit / ob sie schon des Namens nicht sein / die
hochgelarten als Magister Paulus Prætorius
Madedburgischer Erzbischofflicher præcep-
tor vnd Radt / vnd Doctor Joachim Lindt-
holz / Nach dem Magistri Pauli großmutter
vnd Doctoris Lindholz großvater / ewers
Vatern sehligen Mutter / vnd derselbige nbr u
ders Doctoris Jacob Matthisen Schwester
vnd Brüder gewesen. Wie auffrichtig vnd vn-
thadelhaftigt sich nuhe die beide in irem beruff
vnd emptern vorhalten / vnd zu was ansehen
Magister Paulus bey der herschafft vnd son-
sten meniglich seiner sonderlichen trew vnd ges-
chickligkeit halben / gerathen / vnd wie tewer
vnd werdt ehr die Kirchen / Schulen vnd ge-
meinen nutz hat / ist meniglich / dem er bekandt /
vnerborgen.

Nach dem dann ewer geschlechte / ein solch
from Gottfürchtigt geschlecht gewesen / vnd
B noch

noch ist/so hat es Gott auch wiederüb reichlich
gesegnet vnd wird es noch reichlicher segnen/
wie der Psalm saget/ das werdet jr erfaren/ den
Gott nicht liegen kan/wie S. Paulus spricht.

Vnd weil jr mir denn auch viel gutthad erzei-
get / vnd jr nuhe die Erbar vnd Thugentsame
Jungkfraw Ursula / des Erbarn Wolweisen
vnd sehligen Michael Meyenburses tocht-
ter/etwan Burgermeister zu Northausen/ der
eines grossen ansehens vnd vormögens / vnd
ein sonderlicher Liebhaber der Christlichen
Keinen vnd heiligen Lutherischen Lehre war /
vnd den hochgelarten vnd heiligen man den
Herrn Philippum Melanthonem hoch ehre-
te vnd liebete / zur ehe nehmet/ des gleichen der
Erhaffte vnd Gelerte Michael Diterich / die
Erbare vnd thugentsame Jungkfraw Mag-
dalena / ewer sehligen Schwester tochter/
auch zum weibe bekömpft/solt ich mich ja billich
dancckbar erzeigen / dann der alte grosse vnd
weise Man Ennius gesagt hat/Satius esse peri-
re, quam ingratum viuere. Er wolt lieber
todt sein/ dan vndancckbar sein.

Dieweil

Dieweil den erliche Stedte/vnd pfarhern
auff den dörffern in der Marcke offtmals an
mich geschrieben vnd gebeten haben / ich wolt
inen meine form / Braut vnd Breuttigam zu
vortrawen/vnd zusammen zugeben/ vberschickē
vnd mitteilen / daß ich gethan / mir aber des ab
schreibens zu viel wird/ vnd jr ebē mit ewrem
schwager Michael Diterichen meinem beson
dern freunde / auch so vortrawet worden/ da
habe ich die form/ mit sampt dem Brautamt
des andern tages/wie es hie zu Berlin/da man
zwier / als abends vnd morgens / zur kirchen
gehet/gehalten wird/euch zu eheren/inn druck
vorfertiget/domit die armen pfarhers / die es
nicht besser wissen / vnter ewren nahmen / die
können bekommen / vnd in jren kirchen gebrau
chen /denn kurzlich darinne vorfasset ist / was
vom Ehestande zusagen nötig ist/vnd bitte ich
euch als meinen Herrn / jr wollet solchs von
mir annehmen vnd euch gunstiglich gefallen
lassen / denn euch zudienen erkenne ich mich
schuldig.

Gott der Vater vnser Herr Jesu Chris
ti / sampt dem heiligen geiste komme zu ewer

B 2 vnd

vnd ewers schwagers hochzeit / vnd segene
ewren Ehestand / vnd gebe euch glücke / Lan-
ges Leben vnd gesundheit / zu erfüllen die er-
den / vnd das jr euch ja miteinander liebet vnd
wol vortraget / vnd endlichen sehlich wer-
det / das gebe Gott / durch Jesum Christum
seinen Son vnseren Herren / Amen. Damit
der Keichen gnade Gottes befohlen. Datum
Mitwochs nach Lucia Anno 1561.

W. G.

Williger
alter Capelan

Georgius Buchholzer
Probst zum Berlin

Wie man Brutigam vnd Braut / zusammen / ehelichen in der Kirchen vertrawen sol/

Erstmal/ sol der Priester den Brutigam vnd
die Braut fragen/ wie sie beide heißen/
darnach spreche er zum Volck/ so
da vorhanden / also.

Lieben Freunde / nach dem jr im Na-
men vnser lieben Herren Ihesu Chri-
sti versamlet seidt / vnd ein werck der
liebe gethan / vnd mit diesen Christlichen
ehelutten an her gegangen / ire angefangene
ehe / in Gottes namen helffen bestetigen /
so wil ich euch trewlich vermanet vnd gebe-
ten haben/ jr wollet Gott den Vater vnser lie-
ben Herrn vnd heilandes Ihesu Christi bitten
vnd anruffen / das er diesen beiden personen
wolle geben seinen heiligen Geist / der inen
wolle seine gnade vorleihen / das sie mügen
iren ehestandt also Göttlich anfangen / vnd
hernach so Christlich mit einander leben/ das
fürnemlich dadurch Gottes name werde ge-
heiliget / sein Reich zu kome / vnd sie endlich
mögen beide selig werden.

B 3 Liben

Lieben Freunde/da nu Gott der Himlische
Vater / Himmel vnd erden geschaffen hat,
vnd alles was darinne war / hat er auch ge-
schaffen den Menschen / ein Menlin vnd ein
frewlin hat er sie geschaffen / wie im ersten
buch Mofi / am ersten capittel geschrieben ste-
het / auß diesen Worten ist klar / das der Ehe-
stand ein geschaffen werck Gottes ist also /
das mann vnd weib zusammen müssen / vnd ist
inen eingepflanzet von Gott in irer natur /
das eins des andern begerdt / vnd ehelich zu-
sammen wollen.

Es hat auch Gott den ehelichen Standt /
gelobet vnd gepreiset / ehe er Luam schuff /
da er sagte / es ist nicht gut / das der Mensch
alleine sey / ich wil im ein gehülffen machen / die
vmb in sey / mit diesen Worten / stoffet Gott
darnider vnd zu boden / das sich vnterstehet
alleine zu sein / vnd was nicht hat die hohe
gabe Gottes der keuscheit oder reinigkeit
Denn es ist nicht gut gewesen allein zu sein / da
der Mensch im Paradis in der vnschuldt ge-
lebt hat / viel mehr ist's nu nicht gut / nach dem
der Mensch gefallen / vnd aller bösen lust vol
ist.

Da nu Gott der Herr Mann vnd Weib zu
sammen

sammen geschaffen hat / segnete er sie vnd
sprach zu jnen / seid fruchtbar vnd mehret euch /
vnd füllet die erden vnd machet sie euch un-
terthan. Hie drucket Gott auß die vrsach /
worumb er Mann vnd Weib zu sammen ge-
schaffen hat / nemlich darumb / das sie wach-
sen vnd fruchtbar sein sollen / vnd die Welt
helffen mehren / Diese vrsach alleine / nicht
sonderliche fleischliche vnzucht vnd wollust /
sollen den Menschen bewegen / in die ehe zu
treten / vber das zeigt der Heilige Paulus
noch eine vrsach an / vnd spricht. Das ein jg-
licher / zu vermeiden hurerey / habe sein eigen
Weib / vnd ein jglich Weib / habe jren eigen
Mann. Denn hurerey vnd ehebrecherey / ist ei-
ne solche grausame sünde / die Gott allzeit
sonderlich gestrafft hat / wie denn anzeigen die
Historien des alten Testaments / als die sind-
fludt / da Gott von wegen der sünde / Menschē
vögel vnd Thier auff erden lies versincken / vnd
vorsauffen / bis auff acht Personen / vnd dar-
nach das schreckliche vorderben vnd vnder-
gehen der Stedte Sodoma vnd Gomorra.

Diesem Ehestand hat Got auch auferleget
ein krenze / auff das sie vrsach haben zu vbung
des

des glaubens vnd der liebe vnd anruffung Gottes. Das Kreutze des weibes ist / wie Gott selber zu Euam spricht / ich wil dir viel schmerzen schaffen / wen du schwanger wirst / du solt mit schmerzen Kinder geben / vnd dein wille sol deinem Mann vnterworffen sein / vnd er sol dein Herr sein / das Kreutze des Mannes ist / wie Gott zu Adam spricht / im schweis deines angesichts / soltu dein Brod essen / bis das du wieder zur erden werdest / dauon du genommen bist / denn du bist erden vnd solt wieder zu erden werden. Das Kreutze sollen eheliche leute warten vnd willig tragen.

Darnach rede der Prister den Breutgam an / mit solchen worten.

N. Mein Son in Christo Jesu / dieweil du hie stehest vnd wilt N. zum ehelichen weib nehmen / so hastu gehoret / was dir Gott auferleget / als nemlich das du im schweis deines angesichts / solt dein brod essen / das ist / deines beruffs trewlich warten / dich mit Gott vnd ehren deiner hende arbeit neeren / one betrug deines nechsten / damit du dein Weib ernerest.

Zum

Zum andern sagt S / Paulus. Der Man
sol lieben sein Weib / als seinen eigenen Leib/
An liebestu deinen Leib / also / ist er krank vnd
schwach / so gehestu gemacht mit jm vmb / vnd
thust dem das beste. Vnd ob schön ein ander
ein schönem vnd starckem Leib hat / den dein
Leib ist / noch ist dir dein schwacher kranker
Leib viel lieber / den des andern. Also soltu mit
deinem weibe thun / ist sie schwach / gebrechlich
vnd in krankheit / soltu freundlich mit jr vmb
gehen / vnd in der höchsten noth vnd elend die
groste trewe an jr beweisen vnd nicht ehe von
jr scheiden / Gott scheide euch den durch den
tod / wiltu das thun / so bekenne das hie of
fendtlich vor dem angesichte der gantzen hei
ligen dreysaltigkeit / Als vor Gott Vater /
Son vnd heiligen Geist / vnd in gegenwer
tigkeit der lieben Engel Gottes / die bey vns
sein / vnd in beiwesen / dieser fromen Chris
tenleut / die es mit anhören vnd sage in
Gottes namen / Ja.

Darnach rede er die Braut
an / auch also.

V. Meine liebe Tochter in Christo Ihesu /
C du hast

du hast gehöret / was dir N. vor grosse trewe
vnd liebe zugesagt hat / Gott gebe jm seinen
heiligen Geist / das ers also halten mag / Auch
hastu gehoret / was dir Gott zu thun auffer-
leget hat / als nemlich / das dein wille / deinem
Manne / sol vnterworffen sein / vnd er sol dein
Herr sein / das ist / alles was er heisset / das soltu
von hertzen gerne thun / vnd alles / was er
dir vorbent / soltu gerne lassē / vnd nichtes aufa-
hen oder thun / es sol mit seinem vorwissen vnd
willen geschehen / vnd jm in allen Göttlichen
dingen gehorsam sein / den du solt nu von al-
len menschen abgesondert sein / von Vater
vnd Mutter / von aller deiner freundschaft /
vnd allein deinem Manne mit gehorsam zu
gethan sein / darnach soltu auch solche trewe
an jm beweisen / das du in keiner noth / oder
jammer / von jm scheiden solt / vnd in der aller
hochsten noth / die groste trew an jm bewei-
sen / vnd niemmermehr von jm scheiden / Gott
scheide euch denn / durch den Todt. Wiltu das
thun / so bekenne das jzt öffentlich vor dem
angesichte der heiligen dreyfaltigkeit / als
für Gott Vater / Son / heiligem Geist / vnd
in gegenwertigkeit der lieben Engel Gottes /
die bey vns sein / vnd in beiwesen dieser fro-
men

men Christenleut / die es mit anhören / vnd
sage in Gottes namen / Ja.

Darnach spreche der Priester zu dem Volck also.

Lieben Freunde / die weil jr denn jetzt ge-
höret habt / was diese beide Personen einan-
der zugesaget vnd gelobet haben / nu sein sie
dreymal / nach der ordnung der heiligen
Christlichen Kirchen / von der Cantzel auff-
gebotten / vnd abgekündiget / vnd der Name
Gottes ist vber sie angeruffen worden / dar-
bey angezeigt / hette jemand ein einspruch
zu thun / der wolts bey zeitten thun / nu hat
sich niemands gefunden / derhalben biete ich
sie auff zum vierdenmal / vber alle recht / wil
noch jemand ein einrede thun / der thu dassel-
bige izunder / vnd schweige hernachmals.

Hie neme der Priester die ringe von Brent-
gam vnd Braut / vorwechsele sie / vnd stecke
inen die wider auff / vnd spreche zu dem Vol-
cke.

Lieben Freunde / dieweil denn beyde Per-
sonen / hie gegenwertig offentlich bekandt /
C 2 das sie

Das sie einander ehelich haben wollen / vnd
haben auch einander / nach Landes gewon-
heit zeichen der vortrawung / das sein die ringe
ge darauß gegeben. Denn gleich wie das
Gold an den Ringen / das beste metal vnter
allen metallen ist / es sey silber oder anders /
Also / ist auch die eheliche liebe vnter Mann
vnd Weib / die hochste vnd beste liebe / die al-
leine Gott wol gefelt / die ander liebe / als hu-
ren liebe / ist die Teuffelische liebe / die zur
hellen füret. Wie auch die ringe ganz vnd
vnterbrochen sein / Also / sol auch die eheliche
liebe zwischen Mann vnd Weib ganz vnd
vnterbrochen bleiben / vnd sol niemands die
zubrechen / denn Gott durch den todt.

Dieweil denn niemands kein einspruch
gethan hat / so wil ich sie / als ein diener Got-
tes vnd vnsers Herrn Ihesu Christi seines
Sons / vnd dieser Kirchen zu Berlin in Got-
tes namen verehelichen vnd zusammen geben.

Hie füge der Priester die Rechte handt
des Breutigams vnd Brauth zu
sammen vnd spreche.

Der

Der almechtig Gott vnd Vater vnfers
Herrn Ihesu Christi / der Mann vnd Weib
zum ehestand verordent hat / vnd mit fruchten
des leibes gesegnet vnd gebenedeiet. Vnd das
Sacrament seines Sons Ihesu Christi
darinne bezeichnet / derselbige Gott gebe euch
zusammen vnd stehe euch bey durch seinen
liebsten Son / vnd gebe euch seinen heiligen
Geist / der euch seine gnade verleihe / Auff das
ir wachset / fruchtbar seid / vnd mehret euch
vnd füllet die Erden / Vnd das ir euch ja mit
einander liebet / vnd wol vertraget / vnd was
Gott zusammen gefüget hat das sol kein
Mensch scheiden / darumb sol der Mensch
verlassen Vater vnd Mutter vnd seinem
weibe anhangen. Vnd ich als ein diener
Gottes spreche euch ehelich zusammen / Im
namen Gott des Vaters / des Sons / des
heiligen Geistes / Amen.

Darnach gebe der Priester den se-
gen ober sie / mit auffgehobener
handt / drey mal Creutz weis
vnd spreche lauth /

E 3 Der

Der Herre segene dich / vnd behüte dich /
Der Herre lasse sein angesichte leuchten
vber dir / vnd sey dir gnedig.

Der Herre hebe sein angesicht vber dich /
vnd gebe dir Friede / Amen.

Des andern tages sol der Priester die
Braut vor der Kirchen / mit solchen Worten
einleiten.

Last vns beten.

Almechtiger Gott vnd Vater / der du hast
Adam auß einem Erdenklos gemacht / vnd im
gegeben Euan zu einem gehülffen / wir bit-
ten dich hertzlich / du wollest deinen segen /
durch deinen Heiligen Geist / reichlich in dies-
ser deiner dienerinne / die sich auff dein wort
im ehestandt begeben hat / erhalten / das da
durch dein heiliger name ewiglich gepreiset
vnd gelobet werde / durch Jesum Christum
deinen Son vnsern Herrn / Amen.

Darnach neme er die Brauth bey
der rechten handt vnd spreche.

Der Herre behüte deinen eingang vnd
aufgang / von nun an bis in ewigkeit / Amen.

Darnach sol das gewonlich Brauth ampt
gehalten werden. Colz

Collecta in der Brauth Messe/oder ampt/
nach dem Kyrie Eleyson.

Last vns beten.

O Herre Jesu Christe/ewiger allmechtiger
Gott vnd Mensch / der du deines Vatern
gestieffte / den ehestandt geehret hast / vnd zur
hochzeit zu Cana in Galilea gangen / vnd
wasser zu wein gemacht / dadurch du geoffen-
baret hast / deine herrligkeit / eine herrligkeit /
als des eingebornen Sons vom Vater /
voller gnade vnd warheit / wir bitten dich
hertzlich / du wollest noch zur hochzeit komen
vnd allen Christlichen ehelenten in irem stan-
de trost vnd hülffe erzeigen / vnd jr trübsal/
Creutz / vnd leiden zur freude wenden / der
du lebest vnd regierest mit dem Vater vnd
heiligen Geist in ewigkeit / Amen.

Darnach lese der Priester die epistel
Ad Ephesios quinto 2c. Die weiber sein vn-
terthan 2c. Bis zum ende des Capittels / vnd
das Euangelium Marcj. 10 / vnd die Phari-
seer 2c. oder das Euangelium Johannis. 2.
von der Hochzeit zu Cana in Galilea / vnd wenn
das Vater vnser gesungen ist / soll der Pries-
ter

ster vor dem Altar in der Kirchen vber
Brentgam/ vnd Brauth kniende diese benedic-
tion/oder einsegnung beten vnd sprechen.

Lieben Freunde / dieweil jr heut abermals/
ein werck der liebe gethan/ vnd mit diesen bei-
den eheleuten hergegangen ire angefangene
ehe in Gottes namen helffen bestetigen / dies
weil denn der Teuffel ein sonderlicher feindt
ist des ehestandes/ vnd thut jm wehe/ das noch
Christliche manne vnd frawen befunden wer-
den/ die Göttlich mit einander leben/ vnd sich
lieben vnd wol vertragen/ der wolt gern alle jr-
rung vnd zwitteracht zwischen ihnen anrichten:
Derhalben ist noth wieder den erbfeindt der
Christenheit zu betē/ Derwegen wil ich Euch
treulich vermanet haben / jr wollet alle sampt
Brentgam vnd Brauth/ Gott den Vater
vnser Herren Jesu Christi vnd in seinem na-
men bitten vnd anruffen/ das er diese eheleute
durch seinen heiligen Geist wolte segnen / das
jr ehestandt / mocht wol geraten / dadurch
Gottes name geheiliget werde. Darumb
bete vnd spreche ein jeglicher in seinen hertzen
mit mir also.

Last

Last vns beten.

Gott der du Mann vnd Weib zum Ehe-
standt verordnet hast / darzu mit fruchten des
Leibes gesegnet / vnd das Sacrament dei-
nes lieben Sons Jesu Christi / vnd der
Kirchen seiner Brauth darinne bezeichnet /
Wir bitten deine grundlose gute / du wollest
solch dein geschopffe / ordnung vnd segen
nicht lassen verrucken noch verderben / son-
dern gnediglich in vns bewaren / durch Jesum
Christum vnsern Herrn Amen.

Last vns beten.

O Allmechtiger barmherziger ewiger Gott
vnd Vater vnser Herr Jesu Christi / selig-
machers / erlösers vnd mitlers / Wir bitten
dich / du wollest gnediglich / vff diese gegen-
wertige eheleute / die in deiner furcht vnd in
deinen wegen wandern herab sehen / das sie
lieber / wie Abraham / da er Isaac opffert /
das edelste vnd beste / das sie auch haben / ver-
lieren / Denn wieder dich rathen / thun vnd
handelen / es thue jnen wol oder wehe / vnd das
sie mögen / verlassen alle böse wege / vnd allein
D in

in deinen wegen wandelen / vnd warten / war
zu du sie beruffen wirst / deinem Heiligen
Geist zu folgen / vnd deinen namen zu heiligen /
damit sie dich fürchten mügen / vnd bereidt
sein vmb deinent willen / so es die noth erfor-
dert / alles zuorlassen / zuorlieren vnd zu
leiden / was ihnen lieb ist / vnd alles zuthun vnd
zuschaffen / klein vnd groß / was du von inen
forderst / vnd gebeuest. Hilff lieber Vater /
das der Mann seins beruffs warte / vnd im
schweiß seins angesichts / sein Weib ernere /
Aber doch das du auch gibest / das er von sei-
ner hende arbeit esse / brodt habe vnd ernere
werde. Las das Weib / O Herre Gott / die
weil sie auff dich ehlich wird / grünen / Wie ei-
nen weinstock / das sie in deiner furcht / vnd
auff deinen wegen gehe vnd stehe / vnd als eine
gute kinder Mutter / erhalten werde / Das
der Man erbeite / vnd schaffe / die Frau / die
haushere / was erarbeit ist / zu rate halte in
aller Gottseligkeit / lasse sich / wie ein weinre-
ben / mit einem strobendelein lencken vnd an-
binden / dem Manne gehorsam zu sein / Vnd
das der Man wisse / das sie ein edler wein-
stock sey / von seiner rieben / nicht von füssen
genommen

genommen / Lasse sie sich auch beide freuen /
vber ihre kinder / wie vber zarten Oelpflanzen /
vmb iren tisch herum / das sie die in furcht
des Herrn auff erziehen / vnd laß diesen segnen
vber sie also gehen / das man sagen müge dir zu
ehren / also gehet es denen / die Gott fürchten.
Gib gütiger Vater / das sie das Euangelium
gerne hören / Ire kinder auffziehen zu deinen
ehren / vnd zu außbreitung des Himmelreichs
vnd der Christlichen Kirchen. Las sie auch
langes leben haben / auff das sie erleben / das
Gottes wort reichlich im schwangē gehe /
vnd sie als Gottes kinder vielen andern zur
seligkeit dienen mit reiner lere / guten Christ-
lichen leben / anhalten vnd vermanen. Las sie
auch erleben / Kindes kind / bis ins dritte vnd
vierde gelied / auff das alle die / so ire leibe vnd
Tempel Gottes / mit vnzucht verunheiligen /
mit furcht vnd zittern in rechter busse vnd
hertzlicher Christlicher bekerung sagen kon-
nen / Sihe also wird der Man gesegnet / der
den Herrn furchtet / durch Ihesum Christum
vnsern Herrn / Amen.

D ij

Wenn

Wen der Priester dasselbige gebet gesprochen / sol er der Braut rechte handt ergreifen / vnd sie dem Breutigam geben vnd sprechen.

Im Namen Gott des Vaters / vnd des Sons vnd des Heiligen Geistes / Amen.

Vnd spreche zu dem Manne /
Lieber Son / diese soll hinfurt deine Ehefraw sein / vnd liebe sie / wie Jesus Christus geliebet hat seine Christliche Kirche.

Weiter spreche er zur Braut /
Liebe tochter / dieser sol hinfurt dein Ehemann sein / vnd solt im vnterthan vnd gehorsam sein / wie die Christliche Kirche Jesu Christo irem Herrn / vnterthenig vnd gehorsam ist.

Darnach gebe der Priester den segnen vber sie / mit auffgehobener handt / drey mal creuz weisse / vnd spreche laut.

Der

Der Herre segne dich/ vnd behüte dich/
Der Herre lasse sein angesicht leuchten
vber dir/ vnd sey dir gnedig.

Der Herre hebe sein angesicht vber dich/
vnd gebe dir friede /Amen.

Gedruckt zu Fran-
ckfurt an der Oder
durch Johann
Lichorn.



Handwritten in blue ink: *2763*

Faint, mirrored text from the reverse side of the page, appearing as bleed-through. The text is written in a Gothic script and is largely illegible due to fading and the texture of the paper.

Handwritten in blue ink: *2763*




ULB Halle
003 485 765

3







ak. 209, 11.

II i
2762

Ein Traubbüchlein

für die einfeltigen Pfarherrn inn
der Marck zu Branden-
denburgk.

Zu Ehren

Dem Aeltbarn / Hochgelarten / Erz-
barn vnd wolweisen Herrn Thomafen
Matthisen / Churfürstlichem Brandenburg-
gischem Rathe / Burgermeister zu Berlin /
etc. in druck verfertigt /
durch

Georgium Buchholzer Probst
zu Berlin.

Anno M.D.LXI.

3

